



*Embassy of Bosnia and Herzegovina  
Washington, D.C.*

**POTVRDA O BORAVKU U SAD**

Shodno članu 3. Priloga Zakona o carinskoj politici (Službeni list BiH broj 57/04 i 51/06) i člana 2. stav 1, tačka 1, Odluke o postupku ostvarivanja prava na oslobađanje od plaćanja carine pod posebnim uslovima (Službeni list BiH broj 19/05), Konzularno odjeljenje Ambasade Bosne i Hercegovine u Vašingtonu državljanima Bosne i Hercegovine izdaje Potvrdu o boravku u Sjedinjenim američkim državama.

Za izdavanje Potvrde o boravku potrebno je priložiti slijedeća dokumenta:

1. Zahtjev za izdavanje Potvrde o boravku (navesti svrhu);
2. Kopiju **važećeg** identifikacionog dokumenta BiH (pasoš ili LK);
3. Dokaz o datumu ulaska u SAD (kao dokaz može poslužiti kopija zelene karte ili I-94);
4. Dokaz adrese u SAD (npr. kopija računa za struju, telefon i sl.);
5. Dokaz o trajnom povratku u Bosnu i Hercegovinu. U ovu svrhu se prilažu:
  - a) izjava (Pod punom materijalnom i krivičnom odgovornošću, ja, N.N., izjavljujem da se dana ... trajno vraćam u Bosnu i Hercegovinu), ovjerena od strane javnog notara;
  - b) kopija putne karte u jednom smjeru;
  - c) pismo poslodavca u kom stoji da podnosiocu zahtjeva prestaje radni odnos, raskida se ugovor i sl.
6. *Money order* na iznos po važećem [Cjenovniku konzularnih usluga](#).

**Napomene:**

1. Dobijanje potvrde o boravku ne znači i automatsko oslobađanje od carinskih dažbina u BiH, s obzirom da konačnu odluku o oslobađanju carine donosi Uprava za indirektno oporezivanje BiH – regionalni centri. Robe oslobođene plaćanja carine su: lična imovina, lični prtljag i robe nekomercijalnog karaktera, koje su u posjedu podnosioca zahtjeva duže od šest (6) mjeseci.

2. Kad se radi o ostvarivanju prava na izuzeće iz postupka homologacije vozila povratnika u BiH potrebno je imati u vidu slijedeće: U skladu sa članom 13. Alineja d), Pravilnika o homologaciji vozila, dijelova uređaja i opreme vozila (Sl. Gl. BiH br. 41/08) homologacija vozila za posebne vrste uvoza ne provodi se kada se uvoze „vozila kategorije M1 (tarifna oznaka 87.03), kategorije N1 (tarifna oznaka 87.04) te vozila kategorije L (tarifna oznaka 87.11) koja radi preseljenja uvoze **fizička lica koja su neprekidno boravila u inostranstvu najmanje tri (3) godine** i uz uslov da su ih lično ili članovi njihovog domaćinstva u inostranstvu **posjedovali ili koristili najmanje godinu dana** do dana useljenja ili povratka u BiH i da se ta vozila uvezu u roku od 12 mjeseci od dana useljenja ili povratka;“.